



Međunarodni sud za krivično gonjenje  
osoba odgovornih za teška kršenja  
međunarodnog humanitarnog prava  
počinjena na teritoriji bivše  
Jugoslavije od 1991. godine

predmet br. IT-98-32/1-T  
Datum: 15. juli 2009.  
Original: engleski

---

**PRED PRETRESNIM VIJEĆEM III**

**U sastavu:** sudija Patrick Robinson, predsjedavajući  
sudija Christine Van den Wyngaert  
sudija Pedro David

**Sekretar:** g. John Hocking

**Nalog od:** 15. juli 2009.

**TUŽILAC**

**protiv**

**MILANA LUKIĆA  
SREDOJA LUKIĆA**

**JAVNO**

---

**DALJNI NALOG O RASPOREDU I  
NALOG ZA VIDEO-KONFERENCIJSKU VEZU**

---

**Tužilaštvo:**

g. Dermot Groome  
g. Frédéric Ossogo  
gđa Laurie Sartorio  
g. Stevan Cole  
gđa Francesca Mazzocco

**Obrana:**

g. Jason Alarid i g. Dragan Ivetić za Milana Lukića  
g. Đuro Čepić i g. Jens Dieckmann za Sredoja Lukića

**PRETRESNO VIJEĆE III** (dalje u tekstu: Pretresno vijeće) Međunarodnog suda za krivično gonjenje osoba/lica odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud);

**PODSJEĆAJUĆI** na svoj Nalog o rasporedu od 10. jula 2009., kojim je izricanje presude u ovom predmetu zakazano za ponedjeljak, 20. jula 2009. u 14:15 sati;

**IMAJUĆI U VIDU** neformalnu poruku koju je g. Jason Alarid, branilac optuženog Milana Lukića elektronskom poštom uputio višem sudskom savjetniku Vijeća, navodeći da će mu zbog postojećih profesionalnih obaveza biti teško da prisustvuje toga dana,

**NAGLAŠAVAJUĆI** da "druge profesionalne obaveze zastupnika ne bi trebale imati nikakvog uticaja na njegove obaveze prema klijentu i Međunarodnom sudu",<sup>1</sup>

**UZIMAJUĆI U OBZIR** da bi bilo u interesu pravde, a posebno prava obojice optuženih na osnovu člana 21, stav 4(c), da im se sudi bez nepotrebnog odgađanja, da se zadrži zakazani datum izricanja presude,

**UZIMAJUĆI U OBZIR**, pored toga, da, ukoliko branilac nije fizički prisutan u sjedištu Međunarodnog suda prilikom izricanja presude, Pretresno vijeće može preduzeti bilo koju radnju koju smatra primjerenom kako bi se osiguralo da prava optuženog budu poštovana u skladu sa članom 20 Statuta,

---

<sup>1</sup> *Tužilac protiv Momčila Krajišnika*, predmet br. IT-00-39-A, Odluka po zahtjevu Momčila Krajišnika da se Nathanu Z. Dershowitzu dopusti postupanje u svojstvu zastupnika zajedno s Alanom M. Dershowitzem i po zahtjevu za produženje roka, 5. septembar 2008., po Drugom zahtjevu odbrane za produženje roka za dostavljanje replika, 1. april 2005.

**UZIMAJUĆI U OBZIR** da, na osnovu pravila 81 Pravilnika o postupku i dokazima Međunarodnog suda (dalje u tekstu: Pravilnik), Pretresno vijeće vijeće može, ukoliko je to u saglasnosti s interesima pravde, naložiti da se postupak odvija putem video-konferencijske veze,

*Proprio motu*

i

**NA OSNOVU** članova 20 i 21 Statuta i pravila 81*bis* i 98*ter* Pravilnika o postupku i dokazima i ne isključujući eventualne druge mjere koje Pretresno vijeće može preduzeti u skladu sa svojom dužnošću da obezbijedi pravično i ekspeditivno suđenje,

**OVIM POTVRĐUJE** da će presuda u ovom predmetu biti izrečena u ponedjeljak, 20. jula 2009. u 14:15 sati, u sudnici br. 3;

**NALAŽE** da, ukoliko branilac ne bude fizički prisutan u sjedištu Međunarodnog suda, izricanje presude može biti prenošeno putem video-konferencijske veze;

**POZIVA** g. Alarida, branioca optuženog Milana Lukića, da se posavjetuje sa sekretarom Međunarodnog suda kako bi se obezbijedilo njegovo učešće putem video-konferencijske veze i kako bi mu se omogućilo da komunicira sa svojim klijentom telefonom čim to bude praktično izvodljivo nakon što presuda bude izrečena; i

**UPUĆUJE** sekretara da preduzme sve razumne mjere da obezbijedi uspostavljanje video-konferencijske veze ukoliko to zatraži g. Alarid .

Sastavljeno na engleskom i francuskom jeziku, pri čemu je engleska verzija mjerodavna.

/potpis na originalu/  
sudija Patrick Robinson,  
predsjedavajući

Dana 15. jula 2009.  
U Haagu,  
Nizozemska

**[pečat Međunarodnog suda]**